

KOMMISJONENS GJENNOMFØRINGSAVGJERD (EU) 2016/701**2017/EØS/36/07****av 4. mai 2016****om endring av vedtak 2007/453/EU med omsyn til BSE-status for Frankrike***[meld under nummeret K(2016) 2600] (*)*

EUROPAKOMMISJONEN HAR —

med tilvising til traktaten om verkemåten til Den europeiske unionen,

med tilvising til europaparlaments- og rådsforordning (EF) nr. 999/2001 av 22. mai 2001 om fastsettelse av regler for å forebygge, bekjempe og utrydde visse typer overførbar spongiform encefalopati⁽¹⁾, særleg artikkel 5 nr. 2 tredje leddet, og

ut frå desse synsmåtane:

- 1) I forordning (EF) nr. 999/2001 er det fastsett at medlemsstatar, tredjestatar eller regionar i desse statane («statar eller regionar») skal klassifiserast i éin av tre kategoriar med omsyn til status for bovin spongiform encefalopati (BSE): svært liten BSE-risiko, kontrollert BSE-risiko og ikkje-fastsett BSE-risiko.
- 2) Vedlegget til kommisjonsvedtak 2007/453/EU⁽²⁾ inneholder ei liste der statar eller regionar er oppførte i høve til BSE-statusen sin.
- 3) Verdsdyrehelseorganisasjonen (OIE) spelar ei leiande rolle når det gjeld inndelinga av statar eller regionar i kategoriar på grunnlag av BSE-risikoen deira.
- 4) Den 26. mai 2015 vedtok OIE resolusjon nr. 21 om sannkjenning av risikostatus for bovin spongiform encefalopati hjá medlemsstatar⁽³⁾, der Frankrike vart sannkjend som ein stat med svært liten BSE-risiko. Den 4. august 2015 vart vedtak 2007/453/EU endra ved kommisjonens gjennomføringsavgjerd (EU) 2015/1356⁽⁴⁾ for at det i EU-retten skal takast omsyn til risikostatusen «svært liten BSE-risiko» til Frankrike og andre statar.
- 5) Den 24. mars 2016 melde Frankrike frå til Kommisjonen, dei andre medlemsstatane og OIE om påvising av eit tilfelle av klassisk BSE i eit storfe i Frankrike som vart født i april 2011.
- 6) Etter artikkel 11.4.3 i OIEs helserelgelverk for landdyr⁽⁵⁾ er eit av vilkåra for at ein stat skal kunne få og halde ved lag statusen «svært liten BSE-risiko», at dersom det har vore eit nasjonalt tilfelle av klassisk BSE i staten, må det aktuelle dyret vere født for meir enn elleve år sidan. Etter at Frankrike melde frå om eit stadfesta tilfelle av klassisk BSE i eit fem år gammalt storfe, oppheva OIEs vitskapskommisjon for dyresjukdommar statusen «svært liten BSE-risiko» for Frankrike, som var sannkjend ved resolusjon nr. 21, og ga Frankrike tilbake statusen «kontrollert BSE-risiko», med verknad frå 25. mars 2016.

(*) Denne unionsrettsakten, kunngjort i EUT L 121 av 11.5.2016, s.22, er omhandlet i EØS-komiteens beslutning nr. 169/2016 av 23. september 2016 om endring av EØS-avtalens vedlegg I (Veterinære og plantesanitære forhold), ennå ikke kunngjort.

(1) TEF L 147 av 31.5.2001, s. 1.

(2) Kommisjonsvedtak 2007/453/EU av 29. juni 2007 om fastsettjing av BSE-status for medlemsstatar eller tredjestatar eller regionar i desse statane på grunnlag av BSE-risikoen deira (TEU L 172 av 30.6.2007, s. 84).

(3) http://www.oie.int/fileadmin/Home/eng/Animal_Health_in_the_World/docs/pdf/2015_A_RESO_R21_BSE.pdf

(4) Kommisjonens gjennomføringsavgjerd (EU) 2015/1356 av 4. august 2015 om endring av vedtak 2007/453/EU med omsyn til BSE-status for Kypros, Den tsjekkiske republikken, Frankrike, Liechtenstein og Sveits (TEU L 209 av 22.10.2014, s. 5).

(5) <http://www.oie.int/international-standard-setting/terrestrial-code/access-online/>

- 7) For å ta omsyn til den avgjerda bør lista over statar i vedlegget til vedtak 2007/453/EF endrast.
- 8) Vedtak 2007/453/EF bør difor endrast.
- 9) Dei tiltaka som er fastsette i denne avgjerda, er i samsvar med fråsegna frå Det faste utvalet for planter, dyr, næringsmiddel og fôr —

TEKE DENNE AVGJERDA:

Artikkkel 1

I vedlegget til vedtak 2007/453/EF vert det gjort følgjande endringar:

- 1) Posten «— Frankrike» vert sett inn i del «**A. Statar eller regionar med ein svært liten BSE-risiko**».
- 2) Posten «— Frankrike» vert sett inn i del «**B. Statar eller regionar med ein kontrollert BSE-risiko**, etter «— Spania» og før «— Litauen».

Artikkkel 2

Denne avgjerda er retta til medlemsstatane.

Utferda i Brussel, 4. mai 2016.

For Kommisjonen

Vytenis ANDRIUKAITIS

Medlem av Kommisjonen